

KONTAKT:

Amra Turalić
(917) 302-2702
amra@bhffnyc.org

ili

Edita Zulić
(646) 752-5030
edita@bhffnyc.org

**PETI GODIŠNJI BOSANSKOHERCEGOVAČKI FILMSKI FESTIVAL (BHFF™)
ĆE SE ODRŽATI OD 9.-10. MAJA 2008. U TRIBECA CINEMAS U NJUJORKU
BHFF™ zvanično otvara i konkurs za prijavu filmova otvoren do 15. marta**

Njujork, januar, 2008: Ovogodišnji Bosanskohercegovački Filmski Festival (BHFF™) koji predstavlja istaknutu i u svijetu priznatu tradiciju kinematografije Bosne i Hercegovine, će se održati od 9. do 10. maja 2008. u Tribeca Cinemas, kinu koje je inače domaćin Tribeca Film Festival-a. Peti po redu BHFF™ istovremeno objavljuje otvaranje zvaničnog konkursa za prijavu filmova, koji je otvoren do 15. marta 2008. godine.

Ovaj jedinstveni kulturni događaj koji je organizovan od strane dvije neprofitne organizacije u Njujorku, Radio Glas Bosne i Hercegovine i Akademija Bosne i Hercegovine, predstavlja nove talente moderne evropske kinematografije, ujedno pružajući jedinstvenu priliku američkoj publici da se upozna sa filmom i kulturom Bosne i Hercegovine.

Od osnivanja 2003. godine, festival je privukao značajnu pažnju javnosti kroz međunarodno priznate filmove, među kojima su "Grbavica" Jasmile Žbanić, "Savršeni krug" Ademira Kenovića, "Kod amidže Idriza" Pjera Žalice, "Go West" Ahmeda Imamovića, "Karneval" Alena Drljevića, "Zločin i kazna" Marije F. Warsinski kao i mnoge druge.

Filmski odbor će uzeti u razmatranje igrane i kratke filmove, dokumentarne, kratke dokumentarne i animirane filmove bosanskohercegovačkih reditelja ili filmova čija tema je Bosna i Hercegovina. Za dodatne informacije i prijave za BHFF™ posjetite <http://www.bhffnyc.org>.

Oni koji su zainteresovani za sponzorstvo BHFF™-a ili individualne donacije mogu kontaktirati Selmu Avdičević (selma@bhffnyc.org ili 917-975-9034).

O Bosanskohercegovačkom Filmskom Festivalu (BHFF™)

Bosanskohercegovački Filmski Festival (BHFF™) je godišnja manifestacija koju organizuju Radio Glas Bosne i Hercegovine i Akademija Bosne i Hercegovine, a koja ima za cilj promociju bosanskohercegovačke kinematografije na području Sjedinjenih Američkih Država, te upoznavanje šire javnosti sa novim djelima istaknutih i mladih bosanskohercegovačkih reditelja ili filmova na temu Bosne i Hercegovine. Za dodatne informacije, posjetite web-stranicu <http://www.bhffnyc.org/>.

O Radiju Glas Bosne i Hercegovine

Radio Glas Bosne i Hercegovine je neprofitna organizacija posvećena očuvanju i jačanju svijesti o bosanskohercegovačkoj kulturi u New York-u i šire. Radio Glas Bosne i Hercegovine emituje sedmični radio program na bosanskom jeziku, a istovremeno je i organizator mnogobrojnih kulturno-društvenih manifestacija za imigrante iz Bosne i Hercegovine. Za dodatne informacije, posjetite web-stranicu <http://www.voiceofbh.org/>.

O Akademiji Bosne i Hercegovine

Akademija Bosne i Hercegovine je neprofitna organizacija sa sjedištem u New York-u, koja ima za cilj povezivanje mladih iz Bosne i Hercegovine koji žive na prostorima Sjedinjenih Američkih Država i širom svijeta, unutar svojih profesionalnih interesa. Akademija pruža platformu svojim članovima za vodstvo i implementaciju kulturno-umjetničkih i edukativnih programa u svrhu prezentiranja dostignuća dijaspore, te ostvarivanja čvrstih veza sa Bosnom i Hercegovinom. Za dodatne informacije, posjetite web-stranicu <http://www.academybh.org/>.

O Tribeca Cinemas

Tribeca Cinemas je dom filmskih premijera, svečanih prijema, te drugih javnih događaja u Manhattan-u. To je središte čuvenog Tribeca Film Festivala, kao i prostor otvoren tokom cijele godine za raznovrsne privatne događaje. Za dodatne informacije, posjetite web-stranicu <http://www.tribecacinemas.com/>.

